

Prepara pa nos Sidewalk Sale

Prijsnan di locura!



Diasabra 19
di Oktober
9or am te cu 6or pm

**CASI
NOBO**



AIB finalisando e consorcio pa financia Hard Rock Hotel

ORANJESTAD(AAN): Recientemente AIB a worde envolvi tambe den e proyecto di Hard Rock Hotel, unda cu un apelacion a worde haci riba nan conocimiento di e ramo pa busca financiamento necesario pa dicho proyecto, cu ta programa pa worde construi na unda antes tabata Bushiri Hotel.

Esaki a bini dilanti tambe den combersacion cu director di AIB Frensdel Giel. Busca financiamento pa proyecto nan ta un rol cu AIB a bin ta desplegando ultimo añanan na Aruba y internacionalmente. AIB a procesa tur informacion caba y a manda nan pa diferente instituto financiero. Ya caba AIB a haya reaccion di algun instituto cu ta interesa pa participa den e consorcio di banco cu kier participa den e proyecto.

“Nos ta spera di por finalisa e fase aki lihe pa e proyecto por cuminsa,” Giel a comenta. Con rapido esaki por sosode ta keda na e iniciadornan cu mester negocia cu e contractistanan pa mira kende lo gana e bida. Pero eyden AIB no tin mucho di bisa, ya cu solamente nan ta percura pa financiamento cu ta rond di 110 miyon Dollar.



Sinembargo, Giel a señala, e institucionan financiero ta exige pa e iniciadornan tambe tin un capital inverti den e proyecto aki di Hard Rock Hotel pa e banconan completa e resto di e capital. E consorcio cu ta bay forma, cu ta interesa pa participa, ta consisti di banconan local como

institucionan internacional. Te awor e ta entre 11 pa 12 institucion financiero, pero ainda no a caba di hinca e consorcio den otro. Pero e grupo aki ya caba a duna nan palabra di kier participa den e consorcio di financiamento pa Hard Rock Hotel. E ta haya cu e procedura a bay basta lihe.

**Telefonnan di
DIARIO 582-6747
Fax 582-8551**